

# INUIT ATAQATIGIIT

## Inatsisartuni



UPA 2019/pkt. 42  
2. april 2019

Aqqa Samuelson

**Aalajangiiffigisassatut siunnersuummut uunga ilanngussaq 1 naapertorlugu piaarnerpaamik, kingusinnerpaamillu ulloq 1. oktober 2019-mi atuutilersussamik, Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaannut nr. 1, 25. januaari 2019-imeersuut allannguissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut.**

(Inatsisartunut ilaasortaq Aqqaluaq B. Egede, Inuit Ataqatigiit)

Inuit Ataqatigiit siunnersuuteqartumut siunnersuummullu pingaaruteqartumut qujapput.

Meerartatta atugarisaat ukiuni makkunani inuiaqatigiinni tamanit alaatsinaanneqartupilussuupput – Nunatsinni aammalu Nunarsuatta sinnerani. Ilutigalugu meeqqat tamarmik pitsaasumik naleqarluartumillu meeraasinnaanissaannut qinikkanit qulakkeerneqaqqullugu piumasaqarneq annertuvoq. Innuttaasut piumasarisaat tamaginnit tunuliaqutserneqartut pissusissamisoortullu paasinaqaat – meeqqat summiginnagaasartut, timikkut tarnikkullu innimiilliofigineqartartut tarnikkullu ikiorserneqartariaqartut qanoq amerlatiginerat eqqarsaatigissagaanni, tamaasalu angerlarsimaffissaqartinnissaat qulakkeertariaqparput.

Pingaaruteqarluinnartuusoraara inuiaqatigiinni inatsisiliortutut qulakkiigassarput tassaasoq inuiaqatigiit atugarissaarfiusut ineriartussasut meeqqanut taakkulu peroriartornerannut pitsaanerpaamik sinaakkutaqaretitsinermik kinguneqartumik. Ulloq unnuarlu paaqqinnittarfiit meeqqanut angerlarsimaffissaqartitsipput, sinaakkutinillu pitsaasunik toqqissisimanartunillu toqqammaveqarlutik Taamaattumik uatsinnut imatut aperiuartariaqarpugut: inuiaqatigiit atugarissaarfiusut siunissami ineriartorteqqinnerini sunik piumasaqaatitaqassava - meeqqat isaannit isigalugu, meerartavullu naligalugit?

Nammineerlunga illersorsinnaangilluinnarpara ulloq unnuarlu paaqqinnittarfinni sullissineq nalunaarusiornerinnakkut pitsanngorsaarniarneqassappat. Nalunaarutit sukaterniarneqarput ersarissarniarneqarlutillu, pisortat allaffissornikkut ingerlatsinerulerput, suliffeqarfiillu pisortat ingerlataat namminersortullu pitsanngorsarniarneqaralarput, meeqqanullu kingunerisassaasut eqqarsaatigineqaratik.

Taamaammatt Inatsisartuni Naalakkersuisunilu maluginiarnerusariaqarparput tappiffiginerulerlugulu inatsisissatut aammalu nalunaarutissatut siunnersuutit meeqqat inuunerannut siunissaannullu qanoq kinguneqassanersut. Naalakkersuisut maannangaaq ulloq unnuarlu paaqqinnittarfiit pillugit tamakkua ilanngullugit erseqqissumik nassuiartariaqassavaat pingaartumik ulloq unnuarlu paaqqinnittarfiit imminut pigisutut ingerlasut eqqarsaatigalugit. Soorlu ullumikkut siunnersuummi nassuiartartoq siunnersuutip assigiinngitsutigut kingunerisassai: aningaasaqarnikkut, allaffissornikkut avatangiisitigut allarpassuartigullu.

# INUIT ATAQATIGIIT

## Inatsisartuni



Namminersorlutik Oqartussat nalunaarutaat nr. 1, 25. januar 2019-imeersoq aqputigalugu ulloq unnuarlu paaqqinnittarfiit imminut pigisutut ingerlasut ipitinniarneqarnerat allaffissornikkullu nammakkorsorneqarnerat akuersaanngilarput, sukannersumillu piumasalarutigu nalunaarutip allannngortinneqarnissaa.

Meeqqat ikinnerpaamik 200-t pineqarpoq. Ulloq unnuarlu paaqqinnittarfiit imminut pigisutut ingerlasut matoriataassagaluarpata meeqqat pisariaqartitsisut kikkut akussagamikkit? Nunatsinni ulloq unnuarlu paaqqinnittarfiit pioreersut illersortariaqarpavut paarilluarlugillu.

Naalakkersuinikkut naapeqatigiiffissarsiortariaqarpugut immitsinnullu assammilluta meerartavut ulloq unnuarlu paaqqinnittarfinni najugaqartut atugarisaasa ajorseriartinnnginnissaat qulakkeerniarlugu.

Taamaattumik siunnersuutip siunertaa qitiusoq meeqqat ulloq unnuarlu paaqqinnittarfinni angerlarsimaffeqartinneqartut sapinngisaq tamaat pitsaanerpaamik atugassaqartinneqassasut illersugaassasullu Naalakkersuisunit Inatsiartunilu tigulluarneqassasooq neriuutigaarput.

Ulloq unnuarlu paaqqinnittarfiit imminut pigisutut ingerlasut nalunaarut aqputigalugu pisortanit aqunniarneqarnerat, qulaaniillu aaliangersaaniarnerit unilluinnartariaqarpugut.

Nalunaarummi Namminersorlutik Oqartussat taamak annertutigisumik ulloq unnuarlu paaqqinnittarfinnut imminut pigisutut ingerlasunut qulangersimaarinninnerat paasisinnaanngilluinnarparput, ulloq unnuarlu paaqqinnittarfiit imminut pigisutut ingerlasut pisortanit qulangersimaneqaratik ingerlatsisinnaanissaminnut pisinnaatitaaffeqartariaqarmata.

Nalunaarut ulloq unnuarlu paaqqinnittarfinnut allaffissornerulernermik nassataqarpoq. Nukiit allaffissornermut atorngit meeqqat immikkut pisariaqartitsisut isumassorneqarnerannut nukiit atorneqartariaqarpugut.

Siunnersuutip peqqissaarullugu eqqartorneqarnissaa pingaaruteqarmat aappassaaneeraneqannginnerani Ataatsimiititaliamut susassaqartumut ingerlateqqinneqarnissaa innersuupparput.